

Lajčák poziva političke stranke da se vrate programu za EU



Visoki predstavnik i specijalni predstavnik EU, Miroslav Lajčák, danas je zahvalio svima koji su jučer učestvovali u provođenju općinskih izbora, posebno mnogim službenicima, posmatračima i volonterima u cijeloj Bosni i Hercegovini, na tome što su osigurali da glasanje prođe bez većih incidenata.

“Tokom izborne kampanje dato je mnogo neodgovornih izjava, što nije od pomoći za buduće procese integracije BiH u EU i uspostavljanje povjerenja između naroda”, rekao je Lajčák i pozvao političke stranke da usmjere svoju energiju na osiguranje progresa po pitanju programa pristupanja u EU i ispunjavanja preostalih ciljeva i uslova koje je u februaru ove godine postavio Upravni odbor Vijeća za implementaciju mira.

“Sada, kada su općinski izbori iza nas, očekujem da u narednim mjesecima svi usmjere pažnju na ključne prioritete za Bosnu i Hercegovinu: puna implementacija Sporazuma o stabilizaciji i pridruživanju, što je preduslov za približavanje BiH Evropskoj uniji”, rekao je Lajčák. “U kratkoročnom periodu, politički lideri također moraju riješiti pitanje državne imovine i budućeg statusa Brčkog”.